



ZARAUZKO UDALA

ZARAUZKO UDALAREN 2021. URTEKO ARAUGINTZA PLANA

Urriaren 1eko 39/2015 Legeak, Administrazio Publikoen Administrazio Prozedura Erkidearenak, honakoa dio 132 artikuluan:

"Arau-plangintza.

- 1. Urtez urte, administrazio publikoek argitara emango dute araugintza-plan bat, eta hartan jasoko dira hurrengo urtean onesteko igorriko diren lege-edo erregelamendu-ekimenak.*
- 2. Onetsitakoan, Urteko Araugintza Plana argitaratu egingo da, dagokion administrazio publikoaren gardentasun-atarian."*

Udal departamentuek egindako proposamenekin bat etorriz, Zarauzko Udalaren Araugintza Plan hau egin da 2021. urterako, honako edukiarekin:

A) ANTOLAKUNTZA ARLOA

A.1. KONTU-HARTZAILTZA - DIRUZAINTZA

A.1.1. ORDENANTZA OROKORRA, TRIBUTUEN ETA TOKIKO ZUZENBIDE PUBLIKOKO BESTE DIRU-SARRERA BATZUEN KUDEAKETA, BILKETA ETA IKUSKAPENA ARAUTZEN DUENA (berria)

Justifikazioa:

Ordenantza honen xedea da:

- Tributuen eta tokiko zuzenbide publikoko beste diru-sarrera batzuen kudeaketa hobetu eta erraztu dezaketen prozedurazko alderdiak arautzea.
- Hainbat Ordenantza Fiskaletan komunak diren alderdiak arautzea, errepika ez daitezten.
- Udalak zehaztu edo garatu behar dituen gaiak arautzea.
- Herritarrak informatzea bai indarrean dauden arauz eta prozedurez, bai zergadunen eskubideez eta bermeez, informazio horren berri izatea interes orokorrekoa izan daitekeelako zerga-obligazioak behar bezala betetzeko.

Ekimenaren helburu nagusia:

Kudeaketa arrazionalizatuz, prozedurak zehaztea eta garatzea, beti ere maila goreneko xedapenak errespetatuz, eta, bide batez, herritarrei indarrean dauden arau eta prozedurak ezagutaraztea.

Beste xedapen batzuk indargabetzea:

- 2010/06/30ko 0963 Dekretua: Zatikatzek eta geroratzeak.
- 2012/12/28ko 1768 Dekretua: Zorrak eta eskubideak konpentsatzea.

- 1993/01/28ko idatzia, interesak kobratzeari buruzkoa.

A.2. KONTU-HARTZAILETZA - ERRENTAK

A.2.1. ORDENANTZA FISKALAK (aldatzea)

Justifikazioa:

Udal tributu eta prezio publikoen urteko berrikuspenak eta eguneratzeak egitea, honako helburu hauekin:

- Ordenantzak egokitzea, maila goreneko xedapenen aldaketetara edo berrikuntzetara.
- Udal zerga, tasa eta prezio publikoak eguneratzea edo aldatzea, bai kopuruei dagokienez, bai hobari eta salbuespenei dagokienez.
- Diru-sarrerren maila eguneratzea edo aldatzea.
- Prozedura administratiboak eta zerga-kudeaketa arrazionalizatzea.

Ekimenaren helburu nagusia:

Udalaren nahikotasun finantzarioaren printzipioa indartu eta mantentzea, Udalak bultzatu edota ekidin nahi dituen egintzak eta helburuak kontuan hartuta.

A.3. DIRUZAINNTZA

A.3.1. FONDOAK ERABILTZEKO PLANA (berria)

Justifikazioa:

- Udaleko ordainketa-aginduak diruzaintzaren FONDOAK ERABILTZEKO PLANAREN arabera eman behar dira. Plan hori udalburuak ezarri behar du, eta bertan langileen gastuen eta aurreko ekitaldietan hartutako betebeharren lehentasuna bildu behar dira (21/2003 Foru Arauaren 41. artikulua 7. atala).
- Aurrekontu egonkortasunaren eta finantza iraunkortasunaren apirilaren 27ko 2/2012 Lege Organikoaren 14. artikulua arabera, zor publikoaren ordainketak erabateko lehentasuna izango du.
- Ordainketak planifikatzeko beharrezkoa da hainbat arau finkatzea. Horretarako, Udalak FONDOAK ERABILTZEKO PLANA onartu beharko du.
- Plana diruzainak prestatu beharko du, onartzeko eskumena alkateak du, eta kontrola kontu-hartzaileak izango du.

Ekimenaren helburu nagusia:

FONDOAK ERABILTZEKO PLANA onartzea.

A.4. GIZA BALIABIDEAK

A.4.1. UDALTZAINGOAREN ARAUDIA (berria)

Justifikazioa:

58/2015 Dekretua, maiatzaren 5ekoa, Euskadiko udaltzaingoen antolamenduari eta funtzionamenduari aplikagarri zaizkion esparru-arauak ezartzen dituen (EHAA 2015/05/11).

"LEHENENGO XEDAPEN IRAGANKORRA

- 1. Esparru-arau hauek indarra hartu eta hiru urteko epean, udaltzaingoari buruzko araudia duten udalek esparru-arau hauetara egokitu beharko dute araudi hori.*
- 2. Esparru-arau hauek indarra hartzen dutenean udaltzaingoari buruzko araudi propiorik ez duten udalek ere hiru urteko epea izango dute beren araudia onartzeko."*

Ekimenaren helburu nagusia:

Udaltzaingoko Departamentuaren antolaketaren eta funtzionamenduaren araudia onartzea.

A.4.2. TELELANAREN ARAUDIA (berria)

Justifikazioa:

Irailaren 29ko 29/2020 Errege Lege Dekretuak, Administrazio Publikoetako telelanaren arloko presazko neurriei eta Osasun Sistema Nazionaleko giza baliabideei buruzkoak, COVID-19a delakoak eragindako osasun-krisiari aurre egitekoak, urriaren 30eko 5/2015 Legegintzako Errege Dekretuaren bidez onartutako Enplegatu Publikoaren Oinarrizko Estatutuaren Legearen testu bategina aldatu zuen, 47 bis artikulua gehituta; honela dio:

"47 bis artikulua. Telelana.

- 1. Urrutiko zerbitzuak emateko modalitatea da telelana, non lanpostuaren eskumen-erakundeak, betiere zerbitzuaren beharrek ahalbidetzen badute, Administrazioaren bulegoetatik kanpo garatu ahal den, informazioaren eta komunikazioaren teknologiak erabiliz.*
- 2. Zerbitzua telelanaren bidez ematea berariaz baimendu beharko da, eta bateragarria izango da modalitate presentzialarekin. Nolanahi ere, borondatezkoa eta itzulgarria izango da, behar bezala justifikatutako salbuespenezko kasuetan izan ezik. Estatutu hau garatzeko ematen diren arauen arabera egingo da. Arau horiek negoziazio kolektiboaren xede izango dira dagokion eremuan, eta irizpide objektiboak jasoko dituzte zerbitzua emateko modalitate horretan sartzeko.*

Telelanak lana hobeto antolatzen lagundu beharko du, helburuak identifikatuz eta horiek betetzen diren ebaluatuz.

- 3. Telelanaren bidez lan egiten duten langileek aurrez aurreko modalitatean lan egiten duten gainerako langileen betebeharrak eta eskubide berberak izango dituzte, indibidualak zein kolektiboak, lan-arriskuen prebentzioari buruzko araudi aplikagarria barne, zerbitzua aurrez aurre emateari dagozkionak izan ezik.*

4. Administrazioak modalitate horretan lan egiten duten pertsonen beren jarduerarako behar dituzten baliabide teknologikoak emango dizkie eta mantenduko dizkie.

5. Telelanaren arloan, estatutu honetan eta berau garatzeko arauetan aurreikusitakoaren arabera arautuko dira herri-administrazioetako lan-kontratuko langileak. "

Horrez gain, Azken xedapenetako bigarrenak honela dio:

"Arauk egokitzea.

Telelanari buruzko araudia errege lege-dekretu honetan aurreikusitakora egokitu behar duten administrazio publikoek sei hilabeteko epea izango dute, hura indarrean sartzen denetik zenbatzen hasita."

Indarraldia urriaren 1ean hasi zenez, araudia onartzeko apirilaren 1era bitarteko epea dago.

Ekimenaren helburu nagusia:

Araudiak ezarritakoa betez, Zarauzko Udaleko langileentzako telelan modalitatea arautzea.

B) HERRITARREN ARLOA

B.1. HEZKUNTZA

B.1.1. ZARAUZKO UDALERRIKO IKASTETXEEI ESKOLAZ KANPOKO JARDUERAK EGITEKO DIRULAGUNTZAK EMATEKO OINARRI BEREZIAK (aldatzea)

Justifikazioa:

- Eusko Jaurlaritzak erabiltzen duen izena berria delako, eta ikastetxeen eskaeretan gaizki-ulerturik ez izateko.
- Irizpide gisa erabiltzaile kopurua izatean, talde handia ala txikia den ez da kontuan hartzen, eta talde txikiak dituzten ikastetxeak kaltetuta ateratzen dira.
- Orokieta herri eskolak guraso elkartetik eskatu beharra dauka. Izan ere, Jaurlaritzako IFK daukate, eta eskola publiko guztiek partekatzen dute.

Ekimenaren helburu nagusia:

Dirulaguntzak arautzeko oinarriak eguneratzea.

B.2. GIZARTE ZERBITZUAK

B.2.1. DIRU BALIABIDE ESKASAK DITUZTEN PERTSONEI ETA FAMILIEI BANAKAKO LAGUNTZAK EMATEKO ARAUDIA (aldatzea)

Justifikazioa:

Legedia eta kontzeptuak eguneratzea.

Beharrezko aldaketak txertatzea, beste administrazioetatik datuak eskuratzeko (Foru Ogasuna).

Ekimenaren helburu nagusia:

Legedia eta kontzeptuak eguneratzea. Beste administrazio batzuetatik datuak eskuratzeko beharrezko aldaketak txertatzea.

B.2.2. ADINEKO PERTSONENTZAKO BABESPEKO APARTAMENTUAK ARAUTZEKO ERREGELAMENDUA (aldatzea)

Justifikazioa:

- Erabiltzaileen ekarpenak kalkulatzeko kontuan hartzen diren errenta eta ondareak berrikustea. Zehazki, salbuetsitako errentak eguneratzea eta apartamentu bikoitzetako erabiltzaileek erabilera librerako izan behar duten kopurua zehaztea.
- Erreserbaren ordainketa-modua aldatu eta eguneratu, beste zerbitzuetara egokituz.
- Itxaron-zerrendaren nondik norakoak aztertu behar dira, eta apartamentua partekatzea baimentzen duen puntua txertatu.

Ekimenaren helburu nagusia:

Gaur egun erabiltzaile batzuek egiten dituzten ekarpenek gure gizarteko beste esparruetako errealitatearekin duten desoreka ekiditea.

Eta bestetik, apartamentu guztiak bete diren momentu honetan, itxaron-zerrendarekin egon diren arazoak konpontzea, posible bada apartamentuak konpartituz, herritar gehiagok zerbitzua erabiltzeko eskubidea izan dezaten.

B.3. GAZTERIA

B.3.1. GAZTEEK PROIEKTUAK GAUZATZEKO DIRULAGUNTZEN OINARRI BEREZIAK (aldatzea)

Justifikazioa:

- Dirulaguntza emateko irizpide bezala erabiltzen den esaldiak nahasketa sor dezake interpretatzerako orduan.
- Dokumentuan berdintasun irizpideak jasota izateko.
- Ematen den dirulaguntza handitzea.

Ekimenaren helburu nagusia:

Dirulaguntzak arautzeko oinarriak eguneratzea.
Emango den dirulaguntzaren zenbatekoa modu egokian azaltzea.
Berdintasun irizpideak txertatzea.
Dirulaguntzen gehienezko zenbatekoa aldatzea.

B.3.2. GAZTERIA DEPARTAMENTUKO DIRULAGUNTZAK EMATEKO OINARRI ESPEZIFIKOAK (aldatzea)

Justifikazioa:

- Dirulaguntza emateko irizpide bezala erabiltzen den esaldiak nahasketa sor dezake interpretatzerako orduan.
- Dokumentuak berdintasun irizpideak jasota izatea.

Ekimenaren helburu nagusia:

Dirulaguntzak arautzeko oinarriak eguneratzea.
Emango den dirulaguntzaren zenbatekoa modu egokian azaltzea.
Berdintasun irizpideak txertatzea.

B.4. KULTURA

B.4.1. ZARAUZKO UDALERRIKO IRABAZI-ASMORIK GABEKO KULTURA EDO GIZARTE TALDEEI 2021ERAKO DIRULAGUNTZAK NORGEHIAGOKA ARAUBIDEZ EMATEKO OINARRIAK (aldatzea)

Justifikazioa:

Dirulaguntza oinarri horietan zenbait puntu aldatu beharra ikusten da, dirulaguntzak duen helburua, banatzeko dagoen diru-kopurua eta prozedura eta jasotzaileek aurkezten dituzten proiektuen finantzaketaren arteko oreka bermatu dadin.

Ekimenaren helburu nagusia:

Dirulaguntzak arautzeko oinarriak eguneratzea.

B.4.2 BAI JENDAURREKO IKUSKIZUNAK, BAI JOLAS JARDUERAK ETA BAI – JENDAURREKO IKUSKIZUNAK, HERRIKO JAIK EDO BESTELAKO KULTUR EKITALDIAK DIRELA BIDE– INSTALAZIO EDO EGITURA BEHIN-BEHINEKOETAN, ERAMANGARRIETAN, EDO DESMUNTAGARRIETAN EGITEN DIREN SALMENTAK ARAUTZEKO ORDENANTZA (Aldatzea)

Justifikazioa:

Urte hauetako eskarmentuan oinarrituta, bide publikoko jendaurreko ikuskizunak, feria jolasak, jaietako instalazio eramangarrietako salmentak, azokak... baimentzeko kudeaketa hobetzea; legea eguneratzea; hizkuntza eta berdintasun irizpideak eguneratzea... Izena aldatzea...

Ekimenaren helburu nagusia:

Bide publikoan egiten diren jardueretarako baimenen kudeaketa hobetzea.

B.5. PAREKIDETASUNA

B.5.1. EMAKUMEEN* ETXEKO MAHAIAREN ERREGELAMENDUA (berria)

Justifikazioa:

EMAKUMEEN* ETXEko jarduerak eta ekimenak antolatzeko mahai bat sortzea aurreikusi dute etxearen funtzionamendua lantzeko egindako partaidetza-prozesuan parte hartu duten emakumeek.

Beharrezkoa da sortuko den mahai horren izaera, helburuak, osaera eta funtzionamendua jasoko duen erregelamendua egitea.

Ekimenaren helburu nagusia:

EMAKUMEEN* ETXEaren funtzionamenduan eta jardueren antolaketan emakume zarauztarren parte-hartzea arautuko duen araudia sortzea eta herritarrei helaraztea.

B.5.2. PAREKIDETASUN DEPARTAMENTUTIK IRABAZI-ASMORIK GABEKO ELKARTEEI 2021 ERAKO DIRULAGUNTZAK NORGEHIAGOKA ARAUBIDEZ EMATEKO OINARRIAK (aldatzea)

Justifikazioa:

Dirulaguntza oinarri horietan zenbait puntu aldatu beharra ikusten da, dirulaguntzak duen helburua, banatzeko dagoen diru-kopurua eta prozedura eta jasotzaileek aurkezten dituzten proiektuen finantzaketaren arteko oreka bermatu dadin.

Ekimenaren helburu nagusia:

Dirulaguntzak arautzeko oinarriak eguneratzea.

B.6. UDALTZAINGOA

B.6.1. MERKATAL ESTABLEZIMENDU IRAUNKOR BATETIK KANPOKO SALMENTAREN EGIKARITZA ERREGULATZEN DUEN ORDENANTZA (aldatzea edo berri bat egitea)

Justifikazioa:

Ordenantza berria sortu edo dagoena egokitu behar da hileko azokatik kanpo kalean egiten diren salmentak arautzeko.

Oraingo ordenantzak (1992koa) hileko azokaren ingurukoa bakarrik arautzen du.

Kale-salmentak ordenantza espezifiko bat behar du.

Ekimenaren helburu nagusia:

Kalean egiten diren salmenta guztiak arautzea.

ZIGORTZEKO PROZEDURA LABURTUA erabiltzeko aukera ematea.

B.6.2. ALKOHOLAREN PUBLIZITATEA, SALMENTA ETA KONTSUMOA ARAUTZEKO ORDENANTZA (aldatzea)

Justifikazioa:

Ordenantza eguneratu behar da, 1/2016ko Legea eta geroko xedapenetara egokitzeko (Adikzioen eta Droga Mendekotasunen gaineko Arreta Integralari buruzkoa).

Ekimenaren helburu nagusia:

Ordenantza eguneratzea eta ZIGORTZEKO PROZEDURA LABURTUA erabiltzeko aukera ematea.

B.6.3. OSTALARITZA ETA ALKOHOLA SALTZEKO BAIMENA DUTEN MERKATARITZA ESTABLEZIMENDUAK IREKI ETA IXTEKO ORDUEI BURUZKO ORDENANTZA. 4/1995 LEGEARI EGOKITUA (aldatzea)

Justifikazioa:

Ordenantza eguneratu behar da 10/2015 Legea (abenduren 23koa, ikuskizun publiko eta jolas-jarduerei buruzkoa) eta 17/2019 Dekretura (otsailaren 5koa, jendaurreko ikuskizunen eta jolas-jardueren Legea garatzeko Erregelamendua onartzen duena).

Ekimenaren helburu nagusia:

Ordenantza eguneratzea eta ZIGORTZEKO PROZEDURA LABURTUA erabiltzeko aukera ematea.

B.6.4. BAI JENDAURREKO IKUSKIZUNAK, BAI JOLAS JARDUERAK ETA BAI – JENDAURREKO IKUSKIZUNAK, HERRIKO JAIK EDO BESTELAKO KULTUR EKITALDIAK DIRELA BIDE– INSTALAZIO EDO EGITURA BEHIN-BEHINEKOETAN, ERAMANGARRIETAN, EDO DESMUNTAGARRIETAN EGITEN DIREN SALMENTAK ARAUTZEKO ORDENANTZA (Aldatzea)

Justifikazioa:

Ordenantza eguneratu behar da. 10/2015 Legea (abenduarien 23koa, ikuskizun publiko eta jolas-jarduerei buruzkoa) eta 17/2019 Dekretura (otsailaren 5koa, jendaurreko ikuskizunen eta jolas-jardueren Legea garatzeko Erregelamendua onartzen duena).

Ekimenaren helburu nagusia:

Ordenantza eguneratzea eta ZIGORTZEKO PROZEDURA LABURTUA erabiltzeko aukera ematea.

C) LURRALDE ARLOA

C.1 HIRIGINTZA ETA INGURUMENA

C.1.1. LOKALAK ETXEBIZITZA BIHURTZEKO UDAL ORDENANTZA (aldatzea)

Justifikazioa:

Ordenantzaren 3. xedapen gehigarriak ordenantza berrikusteko aukera aurreikusi zuen, hiru urte pasatu ondoren.

Hamar urte pasatu dira ordenantza onartu zenetik, eta pentsatzen da garaia dela berrikuspena egiteko.

Ekimenaren helburu nagusia:

Batez ere, honako gai hauek nahi dira landu:

- Etxebizitza bihurtzeko onartutako atarien zerrenda handitzea.
- Arautegia oro har berritzea, araudiak eta gizarteak izandako aldaketetara egokitzeko.

C.1.2. ANIMALIAK EDUKITZEA ETA BABESTE ARAUTZEN DUEN UDAL ORDENANTZA (aldatzea)

Justifikazioa:

Animalien aldeko elkarte batek egindako eskakizunak eta Arartekoaren gomendioak jasotzeko idatziko da (2020ko irailaren 21eko ebazpena).

Ingurumen arloko zinegotziak bere ekimen propio gisa hartu du.

Ekimenaren helburu nagusia:

Batez ere, honako gai hauek nahi dira landu:

- CER metodologia ezartzea kontrolik gabeko animaliak kontrolatzeko (harrapatu, esterilizatu eta itzuli).
- Kaleko animaliak elikatze aukerak aztertu, eta, behar bada, jarraibideak ezarri.

C.2. HERRILAN, AZPIEGITURA ETA ZERBITZUAK

C.2.1. OSTALARITZAKO ESTABLEZIMENDUEK ETA ESTABLEZIMENDU KOMERTZIALEK BIDE PUBLIKOA ERABILI ETA OKUPATZEKO UDAL ORDENANTZA (aldatzea)

Justifikazioa:

Merkataritzako establezimenduek bide publikoan egiten duten okupazioa arautzea, eta ostalaritzako establezimenduek bide publikoan egiten duten okupazioaren egungo araudia berrikustea.

Ekimenaren helburu nagusia:

- Merkataritzako eta ostalaritzako establezimenduek bide publikoan egiten duten okupazioa arautzea; irisgarritasuna eta espazio publikoko paisajearen balioa ere zaintzea; eta eragindako espazio publikoaren berezko erabilera bermatzea, kalitatezko ostalaritza eta merkataritza zerbitzuen harmonizazioan, antolaketan eta bultzadan oinarritutako irizpide argiekin.
- Espazio publikoan jar daitezkeen elementuak zehaztea, erabiltzaileen eta bizilagunen arteko bizikidetzak hobetzeko.
- Establezimenduei irtenbideak ematea, oinezkoen ibilbideak errespetatzeko.

Beste xedapen batzuk indargabetzea

Bide publikoa terraza eta mahaiekin okupatu eta erabiltzeko udal ordenantza (2013an onartutakoa).

C.2.2. AURRETIK UDAL LIZENTZIARIK EDUKI GABE HIRIGINTZA IZAERAKO EGINTZAK GAUZATZEKO EDO EGITEKO AHALMENA EMANGO DUTEN AURREKOMUNIKAZIOAK ARAUTZEKO UDAL ORDENANTZA (aldatzea)

Justifikazioa:

Ordenantzan sartzea, batetik, obrako elementu lagungarriekin bide publikoan egindako okupazioak eta, bestetik, Zarauzko Udalaren alde aurreko lizentziaren beharrik gabe jabari publikoan egiteko edo gauzatzeko jarduerak.

Ekimenaren helburu nagusia:

Plan orokorreko aurreikuspenak garatuz eta indarrean dagoen legediaren testuinguruan sartuta, ordenantzaren helburua da aurrekomunikazioaren prozeduretan sar daitezkeen jabari pribatu edo publikoko hirigintza-jardueren araubidea zabaltzea eta eguneratzea, bai eta alde aurretik udal lizentziarik behar ez duten jardueretan aritzeko edo instalazio jakin batzuk martxan jartzeko modua arautzea ere.

Obrako instalazio lagungarrien tramitazioa eta jabari publikoari eragiten dioten jardueren tramitazioa arintzea.

Beste xedapen batzuk indargabetzea

Bide publikoa terraza eta mahaiekin okupatu eta erabiltzeko udal ordenantza (2013an onartutakoa).

C.2.3. UDAL BARATZEEN EMAKIDA ETA ERABILERA ARAUTZEKO ERREGELAMENDUA (aldatzea)

Justifikazioa:

Hamar urteko indarraldiaren ondoren, beharrezkoa da udal baratzeen ordenantza berrikustea eta eguneratzea, emakiden kudeaketa arintzeko, ekimen eta behar berriak txertatzeko eta erabiltzaileen eskaerak asetzen dituen ordenantzaren berrikuspena lortzeko.

Ekimenaren helburu nagusia:

- 2010ean onartu zen ordenantza egoera berri batetik abiatu zen, eta lehen aldiz 100 lursail baino gehiagoren emakida ebatzi zuen. Gaur egun gehienak erabiltzen ari dira, eta aktiboak dira; beraz, ordenantzak lehen zozketaren izaera hori galdu behar du eta emakiden berritzean eragin.
- Baratzeen emakidaren epea luzatu egiten da, irizpide berriak zehaztuz eta hamar urteko gehieneko epea ezabatuz. Izan ere, esleipen-irizpideak zehatzago jartzen dira.
- Itzarote-zerrendan dauden eskatzaileen emakida azkarra lortzeko, fidantza kuota bihurtzen da, eta ezeztatzeagatik emakida amaitzeko administrazio-epea laburtu egiten da.
- Baratzeen erabilpenari buruzko irizpideak eguneratu eta zehaztu egiten dira, hala nola, animalien debekua, ureztapena, herbiziden erabilpena, konpostagailuak, hondakinak, ibilgailuak eta azken 10 urteetako esperientzien ondorioz ikasitakoa.

C.2.4. BIDE ETA ESPAZIO PUBLIKOETAN ETA ERABILERA PUBLIKOKO ESPAZIO PRIBATUETAN JARDUERAK, OBRAKO ELEMENTU OSAGARRIEN INSTALAZIOAK, ZANGAK, HARGUNEAK ETA SAREEN BANAKETAK ARAUTZEKO UDAL ORDENANTZA (aldatzea)

Justifikazioa:

Bide publikoa obrako elementu lagungarriekin okupatzeko indarreko ordenantzaren araubidea berrikusi eta eguneratzea, udal eskumenetara mugatuta, eta instalazioetan derrigorrez bete beharreko segurtasun-araudiak ez pilatzea, instalazio horiek eragin ditzaketen pertsonen eta ondasunen segurtasuna bermatzeko araudiak jasota baitaude estatu edo erkidego mailako araudietan. Era berean, baldintza batzuk jartzea udal bide eta espazio

publikoetako hegal, zoru eta lurpean egiten diren zerbitzuen obretan eta instalazioetan betetzeko.

Jardueren aurrekomunikazioaren kontzeptua honako hauetara ere zabaltzea: jabari publikoaren okupazioa eskatzen duten obrako instalazio lagungarriak, zangak, harguneak, mantentze-lanak eta sare-banaketak.

Ekimenaren helburu nagusia:

- Baldintza batzuk jartzea a) udal bide eta espazio publikoetako hegal, zoru eta lurpean egiten diren jardueretan eta zerbitzuen instalazioetan betetzeko, eta b) Zarauzko udal mugapeko bide publikoa obrako edozein elementu edo bitarteko lagungarriekin okupatzeko. Horien helburua da oinezkoen segurtasuna, hiri-mugikortasuna eta ibilgailuen trafikoa bermatzea, eta bide publikoak eta hiri-altzariak hobeto zaintzea.
- Bide publikoari eragiten dioten obrako instalazio lagungarrien eta jardueren tramitazioa arintzea.
- Instalazioetan derrigorrez bete beharreko segurtasun-araudiak ez pilatzea, instalazio horiek eragin ditzaketen pertsonen eta ondasunen segurtasuna bermatzeko araudiak jasota baitaude estatu edo erkidego mailako araudietan.
- Kontuan hartzea herritarren eta Administrazioaren arteko harremanak errazteko Europako Parlamentuak eta Kontseiluak onartutako 2006/123/EE Zuzentaraua indarrean sartu denetik sortu den esparru juridiko berria. Berrienen artean dago 2/2011 Legea, martxoaren 4koa, ekonomia iraunkorrarena. Horrek aldaketa bat sartu zuen apirilaren 2ko 7/1985 Legean (toki araubidearen oinarriak arautzen dituena), esaten baitu jarduera bat egiteko ez bada behar hura baimentzeko alde aurreko lizentziarik, udal entitateek behar diren komunikazio-prozedurak jarri eta planifikatuko dituztela. Jabari publikoaren okupazioa behar duten jardueretara ere zabaltzea aurrekomunikazioaren kontzeptua. Tramitazio hori kendu egin da ordenantza honetatik, beraz, Aldez Aurreko Komunikazioak arautuko dituen udal ordenantzako xedapen bereziek arautuko dute.
- Obrako instalazio lagungarrien baimen-araubidea arrazionalizatzea herritarren ohiko erabilera orokorrarekin. Herritarren segurtasunak lehentasun osoa izango du, eta interes publikoak eta pribatuak bateragarri egingo dira. Eta hori guztia, udal jabari publikoaren okupazioaren esparru juridikoa hobetzeko eta, azken finean, udal kudeaketa eraginkorragoa lortzeko eta herritarrari zerbitzu hobea emateko.

Beste xedapen batzuk indargabetzea

- Bide publikoan aldamiok, garabiak nahiz obrak egiteko beste edozein lagungarri jartzeko Udal Ordenantza.
- Zarauzko udal mugapean edukiontziak jartzeko bide publikoaren erabilera berezia arautzen duen Udal Ordenantza.